

1588

LA

3^e. Eccl. 11 12.

REMONSTRANCE
FAITE NOUVELLEMENT
AU ROY, PAR LE CLER-
gé de France.

Si tacuerimus & noluerimus nuntiare, sceleris arguemur: Venite, eamus, & nuntiemus in Aula Regis. 4. Reg. 7.

M. D. LXXXVIII.

REMONSTRANCE
FAITE NOUVELLEMENT

AV. ROY, TAR, LE CLER-

de France.

Case

39

21. 326

326

THE NEWBERRY
LIBRARY

1588

M.D.LXXXVIII.

REMONSTRANCE FAITE
nouuellement au Roy, par le
Clergé de France.

*Si tacuerimus & noluerimus nuntiare;
sceleris arguemur: Venite, eamus,
& nuntiemus in Aula Regis. 4. Reg. 7.*

SIRE,

NE S Archeuesques,
Euesques & autres
Prelats & Beneficiers
representans le Cler-
gé de France, vous re-
monstrent tres-hum-
blement, que s'estans
propolez deuant les
yeux pour but de leurs actions, Vostre Serui-
ce, La descharge de leurs consciences, & sur

tout l'honneur de Dieu, qui leur est principalement donné en charge & especial mandement; Ils ont bien voulu en premier lieu & deuant toutes choses examiner & rechercher soigneusement la cause principale de la deformité & desbordement qui se trouue pour le iourd'huy au seruice de Dieu, & en leur Estat; Et lequel tire après soy (par le iuste iugement de Dieu) la corruption de celuy de vostre Royaume: Et après s'estre mis tous ensemble en deuotio, & auoir inuocé le saint Esprit, Ils ont senty qu'il leur auoit viuement touché au cœur, pour congnoistre & iuger qu'il estoit mes-huy temps que pour remettre la crainte & seruice de Dieu en ce Royaume, ils procedassent sincerement & sans feintise à la reformation d'eux-mesmes, & du reste de l'Estat Ecclesiastique. Et comme ils se sont promis que ceste sainte intention vous seroit agreable, Aussi ils ont tous vnaniment aduisé de supplier tres-humblement vostre Majesté d'en vouloir agreer, recevoir & auctoriser les moyes, dont (l'il vous plaist) nous vous ferons presentement ouuerture: Ayans nous tous plus librement & volontiers accepté ceste charge, qu'il y a purement de l'honneur de Dieu, de l'acquit de vostre

5.
conscience, & de celle du Clergé; Et que nous auons pensé que en ce nous vous faisons le plus grand seruice que nous pourrions faire en toute nostre vie, & qui vous puisse rapporter plus de commodité & aduantage, tant enuers Dieu que les hommes. Et pour ce faire nous ne nous estendrons point en grands discours, d'autant que nous scauons qu'il vous a esté fait souuét plusieurs grandes & belles remonstrances sur mesme subiect, & que si la grandeur de vostre pieté, & les inconueniens que nous vous deduirons ne sont suffisans pour vous persuader, Il n'est à esperer que le long propos & le fard de langage propre & inuenté pour les personnes qui sont d'eux mesmes mal-affectiōnez à la verité, y puisse rien proffiter.

Le premier de ceux qui ont esté estimez des plus sages entre les Grecs, estant vne fois reprins d'Esopé, le mocqueur, pour n'auoir sceu estre bon Coutrisan à l'endroit du Roy Croesus; par ce (disoit) qu'il ne falloit du tout approcher des Princes, qui ne leur vouloit complaire; Respondit: Que c'estoit tout au contraire; ou qu'il ne s'en falloit point approcher; ou qu'il leur falloit dire la verité, & les bien conseiller.

L'écriture Saincte est beaucoup plus seuer-
 re à l'endroit des personnes Ecclesiastiques,
 leur en donnant si exprez commandement,
 Que s'ils y faillent Dieu demandera de leurs
 mains les Ames des Roys lesquelles peri-
 ront par faute de leur aduertissement : Et si
 d'une naturelle inclinatio c'est chose facheu-
 se au subiect d'apporter parole qui puisse
 (selon le monde) desplaire peu ou prou à son
 Prince ; nostre condition est d'autant plus
 miserable, qu'il est possible, selon l'Apostre,
 Que si nous cerchōs de complaire aux hom-
 mes, nous soyons fideles seruiteurs & mini-
 stres de Dieu.

Nous vous disons ce-cy, SIRE, pour vous
 supplier tres-humblement que si vous trou-
 uez rien au present discours, qui vous semble
 estre dit trop librement, Qu'il vous plaise ne
 l'imputer à autre chose qu'à l'extreme affe-
 ction que nous portōs à l'honneur de Dieu, à
 vostre bien, conseruation de vostre Estat, &
 salut de nos ames ; à l'exēple de tāt de saints
 Euesques & bons Abbez, qui pour ce n'ont
 perdu le tiltre de bons subiets: Ains en fin en
 ont esté estimez & reongnus des meilleurs
 & des plus fideles.

SIRE, il y a deux choses qui sont les prin-

cipales causes du desordre qui se trouue pour
 le iourd'huy en l'estat de l'Eglise. La premie-
 re, C'est faute de la discipline Ecclesiastique:
 Et, La seconde, qui cause la premiere, Faute
 de personnes ydoines & suffisantes es pre-
 mieres charges & dignitez. Ausquels deux
 maux fil est remedié & prouueu, Il sera bien
 facile de receuoir en peu de temps ceste belle
 face & splendeur del'Eglise Gallicane, tant
 renommee par toute l'antiquité, pour estre
 la mere nourrice de la pieté & Religion des
 autres nations. Tesmoins à ce les Chefs
 d'Ordres qui sont en la France des principa-
 les religions Monastiques, & les grandes ex-
 peditions des anciens Roys & Princes, pour
 planter la croix & la congnoissance du vray
 Dieu es pays Barbares.

La discipline Ecclesiastique n'est moins
 necessaire pour maintenir la crainte & serui-
 ce de Dieu, qu'est la police & les loix ciuiles,
 afin de conseruer l'obeissance des subiers en-
 uers leur Prince.

Je diray bien encores, que tous les Roys &
 Princes qui ont esté sages & bien conseillez,
 en ont sceu tirer plus de commodité, pour
 establir leur estat & le perpetuer, que de leurs
 edits, ordonnances, armes & garnisons: Et

sans m'arrester à vne longue deduction d'exemples, i'oseray assurer en general que iamais nation n'a esté autrement conquise & bien assuree au vainqueur, n'y peuple r'amené de fier & farouche en vne vie pacifique, pour amollir leurs cœurs, & les rendre souples sous l'obeissance de la Iustice & respect de leur Prince, Que par le moyen, reglement & ministration de Religion.

Aussi disoit le Philosophe Theologien, Que la crainte de Dieu estoit la preface & proëme de toutes les loix, Et que c'estoit ce qui donnoit lustre, credit & auctorité aux ordonnances & commandemens des Roys. C'est Dieu, disoit Dauid, qui assubiettit le peuple sous moy; tant la nature de l'homme est noble & orgueilleuse qu'il ne s'assubjettira iamais, si premierement Dieu ne le dompte.

Et à ce peuuent seruir de confirmation les deux Estats qui se trouuent auoir plus prosperé & duré plus longuement; L'un en forme de Seigneurie, qui est celuy des Romains; L'autre en tiltre de Royaume, qui est celuy des François, que vous possédez auourd'huy: Lesquels selon le tesmoignage des plus clairvoyans entre les anciens, tant Payans que Chrestiens

Chrestiens que ie rais expressément, pour ne vous estre ennuyeux, n'ont esté fleurissans & heureux que pour auoir esté diligens observateurs de l'ordre, reglemens & discipline de leur Religion. Or si la seule vmbre de Religion a esté si efficace à l'endroit des premiers qui estoient Payens; combien plus a peu le corps & l'essence de la vraye Religion entre les Chrestiens?

Aussi l'experience des siecles passez, iusques nagueres a monstré qu'entre les Chrestiens (la gloire en soit à Dieu) les censures & excommunications ont plus serui pour dompter & contenir les cœurs durs & felons en vne bonne foy & societé ciuile; que la grandeur, valeur & puissance, loix & ordonnances des Roys & Magistrats.

Donc, c'est chose bien remarquable en l'antiquité que la discipline Ecclesiastique a esté tant estimée pour vn assuré lien de concorde en vn estat, Que Iulien, l'Apostat, voyant le cœur de ses subiets fort aliené, iugea ne pouuoir trouuer meilleur moyen de se faire bien valoir, que de transferer & faire observer la forme de discipline en la Religion du seruice des faux Dieux & Idoles; comme quelque temps deuant l'Empereur Seuere

auoir vſurpé en l'eſtabliſſement des Magiſtrats l'ordre des elections és charges Eccleſiaſtiques.

Et pour laiſſer les hiſtoires eſtrangeres, qui à il qui entretienne ſi long temps ceux de la nouuelle opinion en vn tant mauuais fondement que l'emprunt qu'ils ont fait de nos examens de conſcience, des excommunications, de l'eſtabliſſement des Miniſtres par paroiſſes; des ſynodes tant particuliers que prouinciaux; & bref de tant d'autres façons de diſcipline dont ils vſent: bien que comme Singes de l'Egliſe, & les alternans ſelon leur puiſſance.

Si doncques, SIRE, l'on vous remonſtre que ceſte diſcipline tant recommandee & neceſſaire, eſt en l'Egliſe François, non ſeulement abaltardie, mais quaſi totalement eſtainte, que pouuez vous eſperer de nos offices & deuoirs pour contenir le peuple en la crainte de Dieu, & voſtre obeiſſance? Si nous deſquels elle deſpend, & qui ſeuls auons l'autorité de l'eſtablir & remettre ſommes nonchalans & pareſſeux à la faire reuiure, que deuiendra la crainte de Dieu, ſi ce qui la conſerue comme les cendres conſeruent le feu, eſt amorty? Comme pourrez vous rete-

nir & vous glorifier à bon droit du nom de
 tres-Chrestien, c'est à sçauoir d'estre chef &
 seigneur du peuple le plus Chrestien? Quelle
 assurance pourrez vous prendre de tous vos
 conseils, edits & ordonnances pour rega-
 gner l'amour & l'obeissance de vos subiets,
 s'ils ne sont apprins & contenus en l'amour,
 crainte & obeissance de Dieu nostre com-
 mun Seigneur & maistre, qui seul mue les
 cœurs & les peut renger, à l'amiable, comme
 il luy plaist? Car cōme dit le Prophete Osee
 en la personne des mauuais subiets: Nous
 ne craignons point de Dieu; Que nous sera
 doncques le Roy, Que nous pourroit-il ser-
 uir, ou pourquoy le redouterons nous?

Pour ces raisons, & après les auoir bien
 poisees avec plusieurs autres, le Clergé vous
 supplie tres-humblement que par vostre au-
 torité il luy soit permis de remettre la disci-
 pline Ecclesiastique, & se reformer à bon es-
 cient, à l'honneur de Dieu, gloire & reputa-
 tion de vostre nom & dignité. Il a choisi de
 toutes les reigles de reformation & discipli-
 ne celles qui ont esté par le saint Esprit dites
 & escrites au saint & vniuersel Concile de
 Trente: par ce qu'il ne s'en trouue point qui
 soyent plus austeres & rigoureuses, ny plus

propres à l'indisposition & maladie presente de tous les membres du corps Ecclesiastique. Mais principalement par ce qu'ils sont liez & astraits aux loix ainsi faites par l'Eglise vniuersele, sur peine d'estre tenus pour schismatiques enuers l'Eglise Catholique, Apostolique & Romaine, & d'encourir enuers Dieu anatheme & perpetuele damnation. Que si celà n'est tenu pour constant, tres-ferme & tres-veritable entre les Chrestiens, c'est fait de l'autorité de l'Eglise, vaine la Religion Chrestienne, vaine la predication de l'Euangile laquelle on ne croit que sous la créance & autorité de la mesme Eglise. Il faudroit tenir pour seducteurs de peuple tant de saints Euesques & martyrs qui sont morts constans pour maintenir ceste foy & doctrine. Bien simples & abusez auroyent esté tant de bons Roys & sages personnages qui les ont receu & ensuiuis. Et si ce point estoit vne fois gagné, l'on tomberoit bien tost en l'autre. Que c'est chose vaine que la puissance & dignité Royale, vaine ceste persuasion & créance que l'on doive obeyr aux Roys pour l'amour de Dieu, comme ses lieutenans & le representans en terre: Car si les Roys ne sont que les images de Dieu, n'esté

le prototipe & principal Patron, que deuiendra la figure? Ne sera-ce point vn phantôme ou chose faite à plaisir? Et en ce cas il ne restera sinon ce que nous preuoyōs & craignōs à nostre grand malheur, que le plus fort l'emporte, & que chacun prenāt son canton l'on voye iouier au Roy despouillē, & en fin estre reduits à la seruitude d'autant de tyrans.

Le Clergé donc vous supplie tres-humblement vouloir ordonner que les statuts du S. & sacré Concile de Trente soyent publiez, generalemēt en vostre Royaume, pour estre par eux obseruez inuiolablement. C'est chose dont il vous a ja requis par plusieurs fois, & mesme en l'assemblee generale des derniers estars tenus à Blois. Il pleure & l'amente le mauuais conseil de ceux qui vous en ont diuertī iusques icy; d'autant qu'ils ne le vous scauroyent donner plus d'angereux à vostre Courōne, ny plus pernicieux à vostre Estat, & au bien de vos affaires: car iamais nē fust ceste chose trop veriffiēe que Royaume se departist ou refusast les cōstitutīōs de l'Eglise Catholique, qu'il ne fust scismatique; & que ce ne fust presage & cause de sa prochaine ruynē; comme il est aduenū à ces person-

nes scismatiques Choré, Dathan & Abiron: Et les pays de Grece, d'Asie, d'Afrique & d'Egypte en peuuent seruir de bons exemples.

Pour l'observation de la discipline Ecclesiastique il est sur tout necessaire d'auoir de bons Prelats & Pasteurs, faute desquels c'est ce que j'ay dit estre la seconde cause du desreglement qui se trouue en l'Eglise: Car comme dit Platon, Que seruent les bonnes loix sans bons Magistrats? Qui est autant que ce que souloit dire saint Chrysostome, que l'Eglise ne pouuoit subsister sans Euesques. En ce-cy vostre Majesté nous pardonnera s'il vous plaist, si nous vous osons dire ce que nos charges requierent, Que à ce defaut vous participez grandement, & que vostre conscience, honneur & reputation y sont extremement engagez. Nous auons remarqué plusieurs Archeueschez & Eueschez où il n'y a aucun Pasteur: Et quant aux Abbayes & autres gros benefices qu'on dit de vostre nomination, le nombre en est presque infini, tant de ceux ausquels il n'y a aucun titulaire, que des autres où il ne se fait aucun seruice. Seroit-il possible que vous puissiez sans commotion de cœur ouyr ce qui a esté prononcé en no-

stre assemblée, & qui nous a fait deplorer
 grandemēt la calamité de ce Royaume: C'est
 que de trente & cinq Dioceses qu'il y a en
 Languedoc & en Guyenne delà la Gascon-
 gne, par non residence d'Euesques, par mala-
 dies des autres qui sont en petit nombre, &
 principalement par faute d'Euesques pour-
 ueuz en tiltre, l'on a esté quelque annee sans
 y faire le sainct crespme; tellement qu'il a falu
 & faut encores tous les iours l'aller mandier
 delà les monts en Espagne; chose honteuse
 & de tres mauuais presage: car si par la ma-
 niere ordinaire de parler *Estre de bon crespme*,
 n'est autre que d'estre de bonne Religion;
 N'est-il pas à craindre par là que l'Eglise Ca-
 tholique vous quitte du tout, & s'en aille ha-
 biter ailleurs: Et d'auantage, Si Dieu a insti-
 tué le sainct crespme entre autres fruiets, pour
 seruir de Sacrement & moyen ordinaire à re-
 ceuoir le sainct Esprit; S'esmerueillera-on s'il
 y a tant d'heretiques, & rebelles, puis que la
 saincte Antiquité a imputé la cheute de l'an-
 cien heretique Nouatus, à ce qu'il n'auoit
 esté crespme; qui est ce que nous disons au-
 iourd'huy confirmé: *ou...*

Quand nous pensons aux ceconomats;
 confidences, constitutions de pensions pour

les femmes & autres personnes lays; Et à tant de symonies qui se commettēt tous les iours es personnes beneficières, & celà mesmes à vostre sceu & de vostre auctorité, Il n'y a aucun de nous qui n'en gémisse & n'en ait vne extreme douleur. Quel desplaisir est-ce à tout l'Eglise, que de ouyr en la bouche des lays, Capitaines & femmes, Mon Euesché, Mon Abbaye, Mes Chanoines, Mes Prestres, Mes Moynes, & vser d'autres semblables parolles? Et, qui pis est, traffiquer des benefices, vendre, engager, & hypotecquer le domaine de Dieu, & en general empeschier les corrections & disciplines regulieres? Mais qui a iamais leu ou ouy dire que telle chose ait esté parmy les Chrestiens auctorisée & iustificée par iugement & loix publiques, comme il se fait tous les iours; & auons cherché vous représenter & remōstrer nous auoir grandement scandalisez? C'est nagueres, au grand Conseil, de l'argent prouenu de la vête d'un Euesché, ont esté acquitées les debtes du vendeur; & en vostre Conseil vne Abbaye a esté adiugée à vne Dame, comme luy ayant esté baillee en dot, avec déclaration qu'après son deceds ses heritiers en iouyroient par egales portions. Si nos Pepins,

S. Charle-

S. Charlemagne, S. Robert, S. Loys eussent veu telles choses en leur temps, combien les eussent ils portez impatiamment? Quelle terreur eussent-ils eu de l'yre & vengeance de Dieu contre eux & tels officiers? Ne suffit-il point, disoit vn des anciens, commettre vne faute singuliere, sans l'auctoriser encores du sacré nom de Iustice, & la couvrir du manteau de l'auctorité Royale? Toutesfois il semble à beaucoup de gens que Dieu n'est pas assez offensé: car ils taschent d'affecter son domaine à nouueaux vsages seculiers & prophanes, sous vostre auctorité, voulans à ce malicieusmēt induire vostre pieté; Chose, SIRE, que nous auons charge de vous remontrer estre grandement preiudiciale à vostre conscience & à vostre renommee, Et qu'il semble à voir que Tels ayent enuie de vous enuelopper aux notes de sacrilege & symonies; desquelles nous croyons vostre affection & volonté estre du tout eslongnee: d'autant que nous sommes bien certains que vous n'ignorez pas les punitions aduenues pour tels pechez à Heliodre, Antioche, Diocletian, Iulien l'Apostat, Valence; & autres infinis afin que nous taisons les histoires domestiques. Par lesquels exemples vostre

Maieſté (quand elle voudra prendre garde de pres) pourra congnoiſtre facilement l'affection & fidelité de ceux qui vous donnent tels conſeils, qui ſe rapportét de tous poincts à celuy qui fut donné à l'Empereur Federic, par vn ſien ſecretaire, lequel ayant eſté offenſé dudit Empereur par la perte d'un œil, comme il fut remis en grace ne ceſſa qu'il ne luy euſt perſuadé de prendre des biens de l'Egliſe. Depuis, eſtant interrogé pourquoy il auoit donné vn conſeil ſi pernicioeux: Il ſe vanta que c'eſtoit pour ſe vanger de luy, afin que Dieu le deſtruiſiſt; comme de fait il aduint bien toſt apres.

Pour celà & infinies autres raiſons, le Clergé vous ſupplie tres-humblemēt & vous adiuſe au nō de Dieu de faire ceſſer telles voyes: auſquelles quādvotre Maieſté voudroit paſſer outre, ils ne pourroyēt aucunemēt y conſentir ſans offēſer grandemēt Dieu en ſon Egliſe, & préiudicier par trop à leurs cōſciēces.

Ne craignez vous point, SIRE, les imprecations portees par la parole de Dieu, les cōminations des Conciles, les excommunications des ſaincts decrets, les fulminations & autres cenſures de l'Egliſe, non ſeulement cōtre ceux qui commettent ces choſes; mais

aussi contre ceux qui y participent directement ou indirectement. Chacun a admiré la pieté & deuotion de vos ieunes ans, l'austerité de vos ieusnes, & vos frequentes communions. Nous voudroit-on on persuader qu'il y a rien changé en vous de vostre ancien zeile? Nous pourroit-on faire croire que ceste ardeur laquelle vous recommandiez si souuent au feu Roy Charles, vostre frere (que Dieu absolue) ce qui estoit de l'honneur de Dieu, du bien de l'Eglise, & mesmes contre tels abus, fust aujourd'huy du tout esteinte? Ne fust-ce pas par vostre recommandation, & pour l'amour de vous que le mesme Roy feit serment & promesse solemnelle au Clergé, en l'an mil cinq cens soixante & treize, de ne nommer aux Eueschez & Abbayes que personnes de grande valeur & merite? Toutesfois si vostre bonté nous permet de dire, Comment y a il esté pourueu depuis vostre regne, faut-il que l'auarice d'aucuns face perdre les fruits de la grande confiance que nous auions deslors conceüe en vostre zeile & pieté, & pour laquelle nous nous sommes si fort resiouy & loué Dieu à vostre aduenement à la Couronne? C'est chose que nous vous supplions tres-humblement

prendre en bonne part, comme venant de ceux qui sont vos plus affectiōnez seruiteurs & qui ont prins la hardiesse sur la crainte & apprehension des iugemens de Dieu, s'ils y failloyent; Et sur la parolle que vous auez souuent prononcee de vouloir prendre en gré & plaisir d'estre aduertiy librement de ce qui se feroit de mal, ioinct l'extreme regret que nous auons de voir vostre honneur tiré par les voisins, & mesmes par les ennemis de Dieu & de l'Eglise en mesdisances & libelles diffamatoires. Mais ce qui nous greue le plus, de veoir vos meilleurs subiets reduits quasi tous en mespris & rebellion de vos commandemens: Chose, SIRE, que nous sommes contrains de vous dire, Que Dieu predit aux Roys, Princes & Pasteurs qui n'embrassent avecques zele sa gloire; *Je vous rendray dit-il par Malachie, contemptibles, mesprisez & viles deuant toutes les nations, par ce que vous n'auex point en affection ma loy & Religion.*

Nous vous supplions donc tres-humblement ne charger plus desormais vostre conscience pour endurer telles choses qui vous sont d'autāt plus inexcusables qu'elles ne vous apportent aucune cōmodite: ains estans execrables deuant Dieu, & scandaleuses aux

hommes, menacent vous & vostre Royau-
me d'une entiere ruyne & malediction.

Vostre Majesté nous pardonne, s'il luy
plaist, si nous luy osons dire ce qui est verita-
ble, & est aussi en la bouche de plusieurs que
par telles promotions de personnes indi-
gnes, l'Eglise reçoit plus de mal & domma-
ge de vostre auctorité, que des heresies mes-
mes, ou de leurs armées, menées & factions;
tout ainsi que le Prince qui mettroit à son es-
ciēt un chef & des Capitaines couards & non
experimentez dedans une ville assiegee, se
pourroit dire plus cause de sa perte, que de la
vaillance de ses ennemis.

Partant il vous plaira declarer dès à pre-
sent tous benefices tenus en confidence, en
pensions laïques, par œconomats & par sy-
monies, vacans & impetrables; respondant
aux importuns avec Otho, Empereur, ce qui
est en l'Euangile, Qu'il ne faut donner le
pain des enfans aux chiens. Et pour pour-
uoir à l'aduenir que semblables abus ne se
commettent, & que vous n'y ayez vostre
conscience entachée, par importunité ou
autrement, Nous nous prosternons tous à
vos pieds, pour vous requerir avec toutes les
reuerences, submissions & supplications qu'il

est possible, qu'il vous plaise remettre les elections selon le droit commun & saincts decretz.

T'oublieis vn poinct dont nous sommes chargez vous faire aussi tres-humble remonstrance, Qu'il y a plus des deux parts des Eglises de vostre Royaume, les trois faisans le tout, esquelles le seruice diuin est du tout delaisé & intermis, & Dieu sçait quelle impreccations donnent les pauures Catholiques, de ce qu'ils viuent & meurent comme bestes, sans administration de Sacremens & de personnes qui les consolent & leur parlent de Dieu: Et si l'escriture dit que Dieu exaucera les cris & maledictions des pauures contre ceux qui leur refuseront des miettes de pain pour leur nourriture, que fera-il contre ceux qui leur osteront le pain spirituel, qui doiuent leur auctorité à le leur faire rendre, & leur refusent?

Ce sont, **SIRE**, les poincts dont le Clergé vous fait tres-humble remonstrance & supplication; C'est d'eux aussi de qui Dieu veut en l'escriture que vous preniez sa loy & volonté; c'est de leur deuoir de ne vous la taire & desguiser; C'est de vostre bonté & zele de la recevoir: Nous n'y auons autre

commodité ny interest que celuy mesme que vous y auez, qui est l'aduancement de l'honneur de Dieu & descharge de nos consciences: Et qui plus est, vous ne sçauriez receuoir d'ailleurs plus grande gloire, plus grand fruit, & plus grande utilité. Vostre Majesté sçait les reproches dont l'on nous a vſé cy deuant, Que en toutes les assemblees, laissant le seruice de Dieu, nous trahissons nos consciences & l'honneur de Dieu, pour n'entendre que au temporel & au profit de nos bourses. Nous voyons les yeux de tous vos subiets iettez à ce coup plus que iamais sur nous & nos actions, avecques grande expectation; il importe grandement qu'ils en demeurent bien edifiez, ne fust-ce que pour euitier que le nom de Dieu & de son Eglise soit blasmé en nous, & son ministere mesprisé, comme dit l'Apostre, & que aduenant vne reuolution & renuersement de la Religion, & par consequent de l'Estat, ainsi que chacun le craint (que toutefois à Dieu ne plaise) Il apparoiſſe à la posterité deuant Dieu, deuant ses Anges, & en la face de toutes les nations du monde, Que nous y aurons apporté & vous auons présenté tous les remedes qu'il a pleu à sa diuine bonté nous

suggerer & inspirer, & qu'on pourroit attendre de nous, avec entier desir & affection de commencer viuement la reformation en nous-mesmes, si à l'imitation de ces grands tres-Chrestiens & conquerans Empereurs Constantin & Charlemagne, & mesmes de Saint Loys, Il vous plaist en ce nous fauoriser & impartir vostre auctorité.

Ne vueillez donc promettre que s'estant vn chacun beaucoup promis de nostre zele, nous ne rapportions à nos Dioceses, que occasion de scandale, avec honte & confusion de n'auoir non plus fait que cy deuant. C'est à ce coup, SIRE, ou iamais, que vous deuez attendre ou esperer de voir l'Eglise Gallicane en sa premiere splendeur, & par ce moyen auoir vostre regne paisible, & laisser vostre memoire immortelle. S'il y en a qui vous conseillent le contraire, craignez, SIRE, que (comme la condition de tous les Roys & Princes est en cela miserable, pour l'esgard de ceux qui approchent le plus pres d'eux) ce ne soit que pour eux enrichir & s'accommoder aux despens de vostre conscience, & faisans bon marché de vostre honneur & reputation; assemblant par ce moyen sur vous toutes les censures Ecclesiastiques, execra-

tions,

crations, imprecations, fulminations & maledictions; lesquelles autrement s'il tenoit à nous tomberoyent sur nos testes. S'ils vous font ostentation de l'auctorité Royale, & que ce seroit la diminuer; Quand bien il seroit ainsi, ce que non toutesfois, Nous vous supplions leur respōdre ce que le saint Prophete & Roy ensemble respondit sur mesme propos à sa femme Michol, Je m'abaisseray & auilliray pour l'honneur de Dieu, & il me rendra plus craint, glorieux & honoré. S'ils vous veulent esblouyr les yeux d'une vanité de grandeur & d'une toute puissance, disans, Que vous ne deuez auoir les mains liees, ains faire & ordonner de toutes chose à vostre plaisir; Qu'il vous souuienne de vostre belle parolle non moins diuine que Royale, & laquelle est ja publiee par tout le monde, Que vostre liberté & grandeur cōsiste à estre si bien lié que vous ne puissiez mal faire: car à la verité pouuoir faire mal, c'est plustost actiō d'impuissāt, que de vray pouuoir. Qu'il vous souuienne des sermens & saintes promesses que vous auez fait à Dieu en vostre sacre, De maintenir sa gloire & son seruice, De conseruer à l'Eglise ses priuileges canoniques, & de procurer le bien de vostre peu-

ple qui vous ayme naturellement. Qu'il vous souuienne de dire du grand Seigneur, parlant aux Roys de la terre, l'ay dit que vous estes Dieux & enfans du Tres-haut: mais toutesfois vous mourrez comme hommes. Finablement, SIRE, Qu'il vous souuienne tous les iours & à tous les moments pour preseruatifs de ces mauuais conseils, ce que vous sçauiez que dit la parole de Dieu, Que de tous les grands Seigneurs la vie est courte, Que le Roy vit aujourd'huy & meurt demain.

Mais ce qui est le plus espouventable, & neantmoins aussi certain, Qu'il faut que vous & nous tombions és mains de Dieu vivant, & que les Grands seront grandement tourmentez; & alors que viennent ceux qui se disent tant vos seruiteurs & au preiudice de vostre ame, & qu'ils vous secourent à cét extreme besoin.

Ce fut presque les mesmes & dernieres paroles que Loys le Gros, vn de vos anciens deuanciers, mourant, dit à son fils Loys, le Ieune; Souuenez vous, mon fils, & ayez tousiours deuant les yeux, que, *L'autorité Royale n'est qu'une procuration & charge publique, dont vous rendrez comptes bien exact & rigoureux apres la mort.*

F I N.